

止齋先生文集



数据加载失败，请稍后重试！



数据加载失败，请稍后重试！

止齋先生文集卷之十二

外制

正議大夫守給事中兼侍講充奉除禮部尚書兼侍

讀

四年正月十一除禮部尚書三月二十日兼侍讀二詞併升

敕方朕在東宮時嘉與僚友切磋經誼緝熙光明肆以菲躬
託于兆人之上克奉詒謀庶幾寡過永懷三益宜如之何具
官某情極群書折衷六藝凡與我言者於今不忘也慨勞瑣
閤位之春官進讀路門以竟餘論昔者甘盤輔高宗於舊勞
之時而無與於中興納誨之選至漢二疏同傳太子而亦不
在初元疇功之詔我有故人始終典學視昔蓋有光焉爾其
輔養精神陳古以誠今惟母以謝事之年而有遐心則朕以
擇可

朝散郎試中書舍人兼皇子嘉王府翊善黃裳除給

事中兼侍講

四年正月十一日兼侍講

二日

除給事

三月二

敕朕有元子出就外傳敷求其人蓋累年於此矣晚得三益
聽教日間間嘗侍燕從容能道二南之化朕嘉其勞圖以自
近具官某習先聖之術而於當世之務凡與吾見切瑳言
之者皆實學也是用擢之瑣闥勸講路門冀發其蘊并以
告朕昔四皓調護太子而不屈於高帝李泌以布衣交肅宗
而不能安其身於君側爾以西州之彥出入宮邸為父言慈
為子言孝是不謂之遭時乎尚其殫竭以報簡知可

降授朝散郎許及之前任淮東轉運判官不覺察

錢降一官滿一期復朝請郎

勅某官日者淮錢多姦禁不以道有受其咎者矣爾其以同
過之仁而不言上亦從鐫秩非所謂吏議乎閱日既久宜還
其初可

忠翊郎前韶州兵馬監押周昇在任不法降成忠郎
敕具官某爾為兵官而州家以佚累囚未諗雖會恩不汝貸
也其鑄一階以警慢事可

文林郎階州將利縣令蘭森改初驗因傷身死入杜
十四作凍餓身死失出犯公罪答該赦取旨特降

資

敕具官某吏與吾民親莫如今爾尚不知其冤死也而以為
道殣曾謂與吾民親乎其鑄一階毋以恩免可

保義郎李珙家遺火燒民屋四百餘間有司自來以
屋直計賊坐罪得 旨宣諭依條聽贖臣僚上言特

降一官

敕具官某傳春秋者有人火之說則無所歸咎之辭也爾不
戒于大而禍及於閭巷將安咎乎尚爾闕略其上一官可

故通直郎趙公廣昨知饒州因旱歉民流臣寮奏追
兩宮勒停男老倭訴寃特追復承議郎

敕具官某左右諸大夫之言朕知其不如國人也爾守番中
遭歲不淑能有惻隱之實而不為文具而達于朝聽者皆反
繆言者不置麗于佚罰而爾既賡恨於地下今觀閩郡連編
累牘哭汝甚哀蓋棺論定莫公於此朕為惘然盡還舊官不
但慰汝亦以勸來者之勤民也可

江西運副鄭汝諸奏奉議郎知袁州黃助丁母憂不
肯離任倍支棺櫬喪服官錢等候服闋日降一官不
得與親民差遣

敕具官某爾嘗將母以就二千石之養垂及滿歲竟以喪歸
漕臣見劾侵紊郡計姑鐫一秩俾務省循尚蓋前愆朕宜矜
棄可

承節郎盱眙軍指使潘撫權淮河監渡不識降一官
放罷

敕具官某邊禁之嚴而弛於汝免官鐫秩以警後來邦憲有
常非我佚罰可

淮東運使趙師畢奏脩武郎張世榮管押歲弊訟路
恣橫生事降兩官送吏部與合 入差遣

敕具官某發弊於邊事關遠聽紛譁不靖使者有言闕略弗
懲人將是儆其貶兩秩且屬銓曹庶使邊臣繼今知懼可

湖北提刑張垓奏承議郎常德府通判趙善充在任
貪婪不法降一官放罷

敕具官某部使者所治且有良二千石焉爾丞郡顧不以治
行聞而速官謗非朕所以獎用屬籍之意矣其貶一秩免所
居官繼今有耻亦免汝棄可

知成都府丘富奏奉議郎知成都府郫縣郭公謩病
昏聩請降一官放罷

敕具官某夫不能勝其任矣而昏於酒黷於貨然而郎太守
猶以為嘗有鄉曲之譽不寘于理醵秩免官吾亦從薄罰焉
其對隆寬益思懲艾可

睿思殿祇候寄資武功大夫入內侍省東頭供奉
官王師珪轉歸吏部差在京宮觀免奉朝請

敕具官某自以諸司使改今寄祿官而內侍典戎行雜矣然
而名不在銓曹之籍則猶非秩官是則異焉耳轉而屬銓斯
為寵渥閱勞朝謁祿以真祠爾其敬哉母曰序進可

武功大夫祁州團練使入內侍省副都知李彥正
武功大夫明州觀察使入內侍省押班楊舜卿職
事不謹各降一官

敕具官某等朕惟周制內宰掌王內之政令會其屬之功事而賞罰之今內宰不設而爾等不虔于事實干宮中之罰其上一官應古經誼繼今有愆亦豈終奪可

李彥正楊舜卿復

敕具官某省過無大況其細者乎爾以服勞不虔嘗麗于罰蓋入柄所以馭過者閱日滋久俾還舊官則予恩茂矣其益靖共以圖報稱可

入內內侍省副都知李彥正除入內內侍省都知入內內侍省押班楊舜卿除入內內侍省副都知

敕具官某昔在周制內宰以中大夫為之而隸天官說者以為禁省之祕不宜屬外建而本朝爰初北司之長就擇明習靖共可以率屬者以董正之官最貴近亦不可不重其選矣爾自輩中進在四人之數曹未踰日蘇贊內治進之長官楊舜

卿六進亞長官委寄彌重其益虔匪懈以報殊渥毋使外廷謂汝不稱可

親衛大夫清遠軍承宣使提舉佑神觀林億年除入
內侍省押班

敕自宣徽院之籍廢而比司之長蓋難其人朕既差擇之矣
則參伍其間以弼內治非識風指謹憲度者皆不在此選也
具官某服勞禁近見謂老成茲用命汝秩在四人之數欲俾
其屬於內肅給於外靖共則爾責重矣盍亦思報稱者哉可
星兄故吳王府奉利州觀察使多才上遺表妻令
人高氏特封碩人

敕具位某氏朕所以貴爾夫於幽壤有加禮矣而何愛於疏
封爾使居往皆富光焉以塞其悲可

多才上遺表親弟二人此換南班訓武郎多藝修

武郎多見並特授太子右監門率府率

敕具官某等狀以諸衛嚴宗室子俾曰奉朝請非苟示私也以爾多才身後之請及其冲季惻然重違之而並命爾其務靖共以稱德意可

皇叔祖右千牛衛將軍不佞磨勘轉右監門衛大將軍

敕具官某等朕考周官凡衛王宮者皆同姓也國朝簡宗英寘之寮列之尹蓋循周制屬意深矣惟爾叔祖簡在衛中歷年彌長勞績兼茂進長禁闥職守益嚴欽哉無違以稱明陟可

皇叔祖太子右監門率府率不廷持授千牛衛將軍敕具官某以階官易璫衛率視其秩日者有司故貶損爾今徹朕聞始仍舊貫雖曰緒正亦以示恩其尚恪恭稱此密察

可

武功大夫權主管侍衛馬軍司公事張師顏落權字
教具官某朕以金陵形勢襟帶江淮輟吾騎衛布之屯所且
以壯留鑰焉則統馭之才厥選艱矣爾以名將佐訓群驍方
當無事士馬飽逸觀者咸謂可以即戎紆懷武備於風馳鐵
於雅車攻或庶幾焉爾之力肆用命爾自攝焉真班校益
崇寄任深重其尚加懋以究爾功俾周泰之詩得以專美則
予汝嘉可

皇叔祖武德郎主管台州崇道觀不淑特換右監門
衛大將軍

勅具官某朕攷周官凡衛王官者皆同姓也 國朝亦簡宗
英靈之環列之戶蓋循周制屬意深矣惟爾叔祖行尊德備
今在選中應于經誼宜率典常作宋恭先有馮有翼則繫汝

賴可

昭憲皇后親姪孫杜士寶特補承信郎

救其朕惟藝祖之子孫自吾壽皇篤叙之恩備矣而於母黨顧無世祿宣昌陵之意乎取之白丁授以右職爾其永懷無忝所自可

右丞相葛邲初拜贈三代封妻

四拜三

曾祖朝奉郎致仕贈太師謚清孝追封魏國公書恩封魯國公

敕朕覽周誥至命君牙為大司徒實冢宰是謂股肱而推

本乃祖世篤忠正之美蓋有感焉維今大臣相我孝治經文

緯武海內晏然則亦惟其先德之休足以薰後可無褒崇以

應經祖具官某

躬行對於古人鄉譽高於月旦方其登仕

亦既有聞而以其親掛冠再調筦庫以此終身僅通閭籍法

不應謚朝廷異焉易名清孝足以發明其人矣燕及曾孫爰司宰事則所以推本其美朕敢忘周道乎進封大邦莫如曲阜尚食其報永綏爾神可

曾祖母魏國夫人侍其氏贈冀國夫人

敕周之盛至於既醉極矣其卒章曰君子萬年景命有僕其僕維何釐爾女士釐爾女士從以孫子言周之群臣皆有士行之女以為之妃使生子孫足以傳世蓋天意也具官某故曾祖母具位某氏作配君子行修於家覃及曾孫迺生者指考其世次亦足以知吾祖宗盛時天意攸屬而豈一日之積一門之私哉假使當周之世必從夫爵侑食五廟然則胙以大國秩之小君雖古未有亦可以義起禮矣可

祖宣奉大夫顯謨閣待制致仕丹陽郡開國公贈大師謚文康追封楚國公勝仲封齊國公

敕朕既本之六藝大啓土宇以宏貴葛氏之祧則嗣有令聞
逮事兩朝中錫名邦亦禮之稱具官某故祖具官某服某家
聲踐脩累世濟以力學連由三科然而名滿天下而位不過
從班文字行於方來而身不究遠業惟是一絰之教被于聞
孫蔚為名臣間我兩社則劬躬之報可無異恩維此管丘太
公舊宅是用即命以為新封對我寵靈以昌爾祚可

祖母楚國夫人張氏贈夏國夫人

敕朕方廣念祖烈匹休於周假以溢我而收得賢之福則所
以尊大其家以答天貺豈顧有所愛哉具官某故祖母具位
某氏夙以懿行來嬪名家儀于前人以詔婦子亦既再世燁
然有聞而未艾之祥施于今相詩不云乎執之榛栗椅桐梓
漆爰伐琴瑟種德彌遠歷年彌長豈必皆身親見之乎報本
酬勞式至今日大邦美號以慰永懷非以為生蓋禮之稱可